

SIMO DAVOS

ii

SI. Non dubiumst quin uxorem nolit filius ;
ita Davom modo timere sensi, ubi nuptias
futuras esse audivit. sed ipse exit foras.

175 *DA.* mirabar hoc si sic abiret et eri semper lenitas
verebar quorsum evaderet. 5

qui postquam audierat non datum iri filio uxorem suo,
numquam quoiquam nostrum verbum fecit neque id
aegre tulit.

SI. at nunc faciet neque, ut opinor, sine tuo magno
malo.

180 *DA.* id voluit nos sic necopinantis duci falso gaudio,
sperantis iam amoto metu, interoscitantis opprimi, 10
nē esset spatium cogitandi ad disturbandas nuptias :
astute. *SI.* carnufex quae loquitur? *DA.* erus est neque
provideram.

SI. Dave. *DA.* hem quid est? *SI.* eho dum ad me.
DA. quid hīc volt? *SI.* quid ais? *DA.* qua de
re? *SI.* rogas?

185 mēum gnatum rumor est amare. *DA.* id populu' curat
scilicet.

SI. hoccin agis an non? *DA.* ego vero istuc. *SI.* sed 15
nunc ea me exquirere

iniqui patris est ; nam quod ant(e)hac fecit nil ad me attinet.
dum tempus ad eam rem tulit, sivi animum ut expleret suom ;
nunc hic diēs aliam vitam defert, alios mores postulat :

190 de(h)inc postulo sive aequomst te oro, Dave, ut redeat iam
in viam.